

Na osnovu člana 6., stav (3) Odluke podstičaju privrednim subjektima na području općine Ilijaš kroz regresiranje ukupne kamatne stope ("Službene novine Kantona Sarajevo", br. 17/20), člana 8. i 13. Zakona o principima lokalne samouprave u Federaciji BiH ("Službene novine Federacije BiH", br. 46/08 i 51/09), člana 16. i 17. Zakona o poticaju razvoja male privrede ("Službene novine Kantona Sarajevo" br. 29/15) i člana 55., tačka 2. Statuta Općine Ilijaš – prečišćeni tekst ("Službene novine Kantona Sarajevo", br. 20/09 i 46/18), Općinsko vijeće, na 3. sjednici, održanoj dana 04.02.2021. godine, d o n o s i:

O D L U K U

O DAVANJU SAGLASNOSTI ZA ZAKLJUČENJE ANEX-a UGOVORA O KREDITNOJ LINIJI UZ REGRESIRANJE UKUPNE KAMATNE STOPE (PROFITNE MARŽE) U 2020. GODINI, BR. 01/2-11-1510/20 od 30.07.2020. GODINE

Član 1.

Ovom Odlukom se daje saglasnost Općinskom načelniku da zaključi Anex Ugovora o kreditnoj liniji uz regresiranje ukupne kamatne stope (profitne marže) u 2020. godini, br. 01/2-11-1510/20 od 30.07.2020. godine, sklopljenim između OPĆINE ILIJAŠ i BOSNA BANK INTERNATIONAL d.d., Sarajevo (u daljem tekstu: "BBI"),

tako da se član 4., stav (2) osnovnog Ugovora mijenja i glasi:

"Odobreni kredit/finansiranje po jednom korisniku se ograničava,:

- na maksimalni iznos od 500.000,00 KM za privredna društva uz uslov da na dan podnošenja zahtjeva po ovoj kreditnoj liniji privredno društvo upošljava 150 i više radnika,
- na maksimalni iznos od 300.000,00 KM za ostala privredna društva,
- na maksimalni iznos od 50.000,00 KM za samostalne preduzetnike/djelatnosti fizičkih lica.

Minimalni rok otplate odobrenog kredita/finansiranja je 12 (dvanaest) mjeseci, a maksimalni rok otplate je 60 (šezdeset) mjeseci."

i član 4., stav (4) osnovnog Ugovora mijenja i glasi:

"Prijem i/ili obrada zahtjeva za kreditiranje/finansiranje prestaje sa danom utroška planiranih i uplaćenih sredstava za subvencioniranje, s tim da je posljednji dan prijema zahtjeva 30.04.2021. godine, a realizacija/obrada zahtjeva u roku od 90 (devedeset) dana od dana prijema zahtjeva. Utvrđeni rok prijema zahtjeva se ne može dodatno produžiti u slučaju da se ne plasiraju ukupno planirana sredstva BBI, odnosno ne potroši uplaćena subvencija od strane Općine Ilijaš, s tim da se kreditna/finansijska linija zaključuje najkasnije sa 31.07.2021. godine.

Neutrošena, a uplaćena sredstva od strane Općine Ilijaš prema BBI za realizaciju kreditne/finansijske linije će po usvajanju Izvještaja od strane Općinskog načelnika o realizaciji odobrenih kredita/finansiranja biti vraćena na račun Budžeta Općine Ilijaš, najkasnije u roku od 8 (osam) dana od dana isteku roka za realizaciju odobrenih kredita/finansiranja."

Član 2.

Ova Odluka stupa na snagu danom objavljivanja u "Službenim novinama Kantona Sarajevo".

Broj. _____
Ilijaš: _____

**Predsjedavajuća
Općinskog vijeća Ilijaš**

Alma Omerović, s.r.

O b r a z l o ž e n j e

Pravni osnov za donošenje Odluke o davanju saglasnosti za zaključenje Anex-a Ugovora o kreditnoj liniji uz regresiranje ukupne kamatne stope (profitne marže) u 2020. godini, br. 01/2-11-1510/20 od 30.07.2020. godine je član 6., stav (3) Odluke podsticaju privrednim subjektima na području općine Ilijaš kroz regresiranje ukupne kamatne stope ("Službene novine Kantona Sarajevo", br. 17/20) kojim je data saglasnost Općinskom načelniku na zaključenje Ugovora o kreditnoj liniji, te član 16. i 17. Zakona o poticaju razvoja male privrede ("Službene novine Kantona Sarajevo" br. 29/15), kojim su definisane obaveze jedinica lokalne samouprave pri realizaciji podsticajnih mjera u oblasti male privrede.

Općina Ilijaš je u skladu sa donesenom Odlukom o podsticaju privrednim subjektima na bazi Javnog poziva i Pravilnikom o uslovima, kriterijima i načinu provedbe Odluke o podsticaju privrednim subjektima na području općine Ilijaš kroz regresiranje ukupne kamatne stope br. 01/2-11-930/20 od 05.06.2020. godine sklopila Ugovor sa Bosna Bank International d.d., Sarajevo (BBI) o regresiranju ukupne kamatne stope.

Članom 4., stav (2) osnovnog Ugovora o kreditnoj liniji uz regresiranje ukupne kamatne stope (profitne marže) u 2020. godini, br. 01/2-11-1510/20 od 30.07.2020. godine utvrđeni su maksimalni iznosi kredita/finansiranja, i to za pravna lica do 300.000,00 KM i za samostalne djelatnosti 50.000,00 KM sa rokom otplate od 12 (dvanaest) do 60 (šezdeset) mjeseci.

Do 31.12.2020. godine kreditna sredstva su odobrena prema 9 subjekata, a plasirano je ukupno 846.800,00 KM kreditnih sredstava od čega je iznos kamate/profitne marže (projicirane subvencije) 57.842,20 KM.

Na osnovu prezentiranih podataka evidentno je da je značajan iznos nerealiziranih kamatnih subvencija, ukupno 42.157,80 KM.

U skladu sa izloženim predlažemo Općinskom vijeću Ilijaš da donese Odluku, kao u prijedlogu.

Predlagač
Općinski načelnik

Akif Fazlić, dipl.oec

Podrška se ostvaruje u skladu sa uslovima koji su definisani za ovu proizvodnju kroz Pravilnik za ostvarivanje novčanih podrški Kantona Sarajevo (član 14. stav 2.)

Korisnik dokazuje ispunjavanje posebnih uslova iz ove tačke prilaganjem zapisnika o ostvarenoj proizvodnji sačinjenog od strane Stručne službe Ministarstva privrede KS uz dokumentaciju iz člana 4. tačke (a, c) ove Odluke.

2. Podrška za držanje ovaca

- da posjeduje najmanje 40 ovaca (ovce, ovnovi i jagnjad starija od 4 mjeseca) obilježene u skladu sa Pravilnikom o obaveznom obilježavanju.

Podrška se isplaćuje za najviše 100 ovaca.

Korisnik dokazuje ispunjavanje uslova dokumentacijom iz člana 4. tačke (a, c) ove Odluke.

Pravo na ostvarivanje podrške za držanje ovaca ostvaruju korisnici koji tokom cijele kalendarske godine drže stoku na teritoriji općine Ilijaš.

3. Podrška za uzgoj i držanje pčelinjih društava

- da posjeduje najmanje 20 pčelinjih društava;
- podrška se isplaćuje za najviše 100 pčelinjih društava;
- priznaju se samo košnice u kojima se nalaze aktivna pčelinja društva;
- u trenutku obilaska službenika i utvrđivanja činjeničnog stanja, pčelinjak mora biti lociran na području općine Ilijaš.

Obilazak i kontrola korisnika ove podrške za korisnike koji primjenjuju selidbu pčela na paše van teritorije Općine vršiće se po prestanku pčelinje paše od IX mjeseca pa do isteka kalendarske godine.

INVESTICIJSKI PROJEKTI

1. Nabavka plastenika po modelu sufinansiranja

Podržava se nabavka plastenika po modelu sufinansiranja kroz obezbjeđenje nepovratnih sredstava.

Realizacija projekta će se vršiti u saradnji sa nevladinim i humanitarnim organizacijama. **Finansiranje se vrši na način:**

Realizacija projekta će se vršiti u saradnji sa nevladinim i humanitarnim organizacijama. Finansiranje se vrši na način:

1. Nvladine i humanitarne organizacije	40%
2. Općina Ilijaš	40%
3. Korisnik projekta	20%

Projekat se realizuje u skladu sa namjenom i kriterijima nevladine organizacije uz uvažavanje socijalnog karaktera korisnika (nezaposlene osobe, demobilisani borci, šehidske porodice, RVI, višečlane porodice sa niskim primanjima, samohrane majke...)

2. Zasnivanje novih zasada maline

Za ostvarivanje prava na novčane podrške za zasnivanje novih zasada maline korisnik treba da ispunjava slijedeće posebne uslove:

- da je zasadio minimalno 2 dunuma maline sa deklarisanim sadnicama
- maksimalna površina za koju se može ostvariti podrška je 5 dunuma
- normativ sadnje matineje najmanje 800 sadnica/dunum
- sadnja maline podrazumijeva jesenju sadnju 2019. godine i sadnju u proljeće 2020. godine.

Korisnik dokazuje ispunjavanje uslova dokumentacijom iz člana 4. tačke (a, d) ove Odluke.

3. Sufinansiranje programa pokretanja proljetne sjetve

Podrška se realizuje po javnom pozivu Federalnog ministarstva poljoprivrede, vodoprivrede i šumarstva za poljoprivredne proizvođače koji će obavljati proljetnu sjetvu.

Podrška se realizuje na principu sufinansiranja sredstvima iz Budžeta Općine Ilijaš i Federalnog ministarstva poljoprivrede i šumarstva.

Podrška uključuje prihvatljive troškove: nabavku sjemena, mineralnih gnojiva i zaštitnih sredstava.

Za ostvarivanje prava novčane podrške za subvencioniranje dijela proljetne sjetve korisnik treba da ispunjava slijedeće uslove:

- da je izvršio proljetnu sjetvu žitarica (heljde, silažnog kukuruza, merkantilnog kukuruza ...)
- da je izvršio sjetvu povrtnih kultura (krompir, crveni luk, bijeli luk, grah, paradajz, paprika, mrkva ...) i drugih poljoprivrednih kultura
- kontrolu proljetne sjetve zasijanih površina vrši nadležni općinski organ
- da dostavi dokaz prihvatljivih troškova koji uključuju: (za pravna lica i obrte koji posluju putem računa potrebna je faktura i dokaz o plaćenju fakturi izdana na njihovo ime, za fizičke osobe fiskalni račun na kome je vidljiv prodavalac, vrsta i cijena kupljenog repromaterijala).

Visina podrške za pokretanje proljetne sjetve, iznosi najviše do 1.000,00 KM po krajnjem korisniku

Član 10.

Za realizaciju Odluke zadužuje se Služba za privredu i finansije - odsjek za privredu i lokalni razvoj.

Član 11.

Sredstva za realizaciju novčanih podrški obezbjeđuju se u Budžetu Općine Ilijaš za 2020. godinu.

Član 12.

1. Isplata novčanih podrški za:

- držanje muznih krava
- uzgoj i tov junadi
- uzgoj priplodnih ovaca
- podrška za pčelarstvo
- podrška za sadnju maline

vršiće se u dva dijela od po 50% na način da po isplati prvog dijela za sve korisnike započinje isplata drugog dijela.

- sufinansiranje programa pokretanja proljetne sjetve vršiti će se u jednokratnom iznosu i to po transferu sredstava od strane Vlade Federacije u Budžet Općine Ilijaš.

Član 13.

Služba za privredu i finansije će nakon provedenog postupka o ispunjavanju uslova korisnika za ostvareno pravo na novčane podsticaje u skladu sa ovom Odlukom donijeti Rješenje.

Za sve podnesene zahtjeve nadležna služba zadržava pravo višekratne provjere do isteka kalendarske godine za činjenično stanje ostvarene proizvodnje. Ukoliko se utvrdi da su sredstva ostvarena na ime novčanih podrški utrošena nenamjenski, ili su ostvarena na osnovu lažno prikazane proizvodnje ili lažno predočene dokumentacije, nadležna općinska Služba će donijeti Rješenje o povratu sredstva, a korisnik je dužan da vrati novčana sredstva u roku od 30 dana od dana pravosnažnosti Rješenja i novi zahtjev za ostvarivanje prava na novčane podrške za proizvodnju iz člana 8. ove Odluke može podnijeti, nakon dvije godine, od dana povrata novčanih sredstava naloženih Rješenjem.

Član 14.

Općinska služba će putem web stranice i javnog oglasa, obavijestiti poljoprivrednike o podrškama, mjerama, načinu i kriterijima koji moraju biti zadovoljeni.

Član 15.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01/1-02-839-5/20

22. aprila 2020. godine

Ilijaš

Predsjedavajuća

Općinskog vijeća Ilijaš

Alma Omerović, s. r.

Na osnovu člana 8. i 13. Zakona o principima lokalne samouprave u Federaciji BiH ("Službene novine Federacije BiH", broj 46/08 i 51/09), člana 16. i 17. Zakona o poticaju razvoja male privrede ("Službene novine Kantona Sarajevo", br. 29/15) i člana 55., tačka 2. Statuta Općine Ilijaš - Prečišćeni

tekst ("Službene novine Kantona Sarajevo", broj 20/09 i 46/18), Općinsko vijeće, na 41. sjednici, održanoj dana 22.04.2020. godine, donosi

ODLUKU

O PODSTICAJU PRIVREDNIM SUBJEKTIMA NA PODRUČJU OPĆINE ILIJAŠ KROZ REGRESIRANJE UKUPNE KAMATNE STOPE

Član 1.

Ovom Odlukom se uređuje način i postupak odabira banke za plasman podsticajnih sredstava privrednim subjektima kroz regresiranje ukupne kamatne stope (u daljem tekstu: "podsticaj"), način provedbe, korisnici podsticaja, finansijski okvir, te druga pitanja u vezi sa ostvarenjem prava na podsticaj.

Podsticajem u smislu ove Odluke se smatra učešće Općine Ilijaš uplatom sredstava u ime i za račun korisnika podsticaja iz namjenskih sredstava, u svrhu regresiranja ukupne kamatne stope po ugovoru o kreditiranju.

Član 2.

Ukupna sredstva za podsticaj u 2020. godini iznose 100.000,00 KM (stotinu hiljada KM), a ista se osiguravaju iz Budžeta Općine Ilijaš za 2020. godinu.

Član 3.

Cilj podsticaja iz ove Odluke je podrška privrednim subjektima radi održavanja postojećeg nivoa privrednih aktivnosti, zaposlenosti i novih investicija.

Član 4.

Korisnici poticaja mogu biti svi privredni subjekti (privredna društva i samostalni preduzetnici), koji imaju registrovano sjedište ili poslovnu jedinicu/podružnicu na području općine Ilijaš.

Član 5.

Općinski načelnik će u roku od 7 (sedam) dana od dana stupanja na snagu ove Odluke donijeti Pravilnik na prijedlog Službe za privredu i finansije, kojim se detaljnije propisuju uslovi, kriteriji i način provedbe ove Odluke.

Član 6.

Provedba podsticaja će se realizirati raspisivanjem javnog poziva za odabir banke.

Komisija imenovana od strane Općinskog načelnika će pripremiti tekst javnog poziva i prijedlog ugovora sa odabranom bankom u skladu sa Pravilnikom iz člana 5. ove Odluke.

Općinski načelnik će po okončanju procedure odabira banke sklopiti ugovor sa istom.

Član 7.

Odabrana banka će raspisati javni poziv za dodjelu podsticaja.

Podsticaj se ne može koristiti za prebijanje ranije preuzetih kreditnih obaveza privrednih subjekata u bankama i drugim finansijskim institucijama.

Poziv prema privrednim subjektima/potencijalnim korisnicima se javno oglašava, objavljuje putem web stranice Općine i banke, te oglasne table Općine. Informacija o objavljenom javnom pozivu se prezentira i putem letaka, koje će kreirati i distribuirati banka.

Član 8.

Obaveze odabrane banke su:

- procedure odabira korisnika podsticaja,
- pribavljanje dokaza o ispunjenosti uslova za dodjelu podsticaja u skladu sa propisima sistema državne pomoći u Bosni i Hercegovini (pomoć male vrijednosti, "de minimis" izjava),
- pribavljanje saglasnosti od strane Općinskog načelnika za plasman kredita,
- plasman kredita i monitoring realizacije,
- periodično izvještavanje o zajedničkoj kreditnoj liniji i korisnicima podsticaja.

Član 9.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01/1-02-839-6/20
22. aprila 2020. godine
Ilijaš

Predsjedavajuća
Općinskog vijeća Ilijaš
Alma Omerović, s. r.

Na osnovu člana 55. i 104. Statuta Općine Ilijaš ("Službene novine Kantona Sarajevo", broj 20/09 - Prečišćeni tekst i 46/18), člana 99. Poslovnika Općinskog vijeća Ilijaš ("Službene novine Kantona Sarajevo", broj 2/10, 18/15 i 7/19), Općinsko vijeće Ilijaš na svojoj 41. sjednici, održanoj dana, 22.04.2020. godine, donosi

ODLUKU

O PRIVREMENOJ OBUSTAVI OBRAČUNA I PLAĆANJA NAKNADE ZA PRIVREMENO KORIŠTENJE JAVNE POVRŠINE NA PODRUČJU OPĆINE ILIJAŠ

Član 1.

Ovom Odlukom uređuje se privremena obustava obračuna i plaćanja naknade za privremeno korištenje javne površine na području Općine Ilijaš, kao jedna od mjera suzbijanja negativnih privrednih posljedica nastalih usljed posebnih okolnosti koje se nisu mogle predvidjeti i na koje se nije moglo uticati, a koje ugrožava život i zdravlje građana i nanose znatnu privrednu štetu, a nastale su usljed proglašenja stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID -19) na području Bosne i Hercegovine, Federacije Bosne i Hercegovine i Kantona Sarajevo.

Član 2.

U skladu sa članom 1. ove Odluke privremeno se obustavlja obračun i plaćanje naknade za privremeno korištenje javne površine na području Općine Ilijaš svim pravnim i fizičkim licima koja koriste javnu površinu po bilo kojem osnovu, počev od 01.04.2020. godine pa do proteka 3 mjeseca od prestanka proglašenja stanja prirodne i druge nesreće zbog opasnosti od širenja zarazne bolesti uzrokovane koronavirusom (Covid-19) na području Kantona Sarajevo.

Član 3.

Pravna i fizička lica koja u momentu donošenja ove Odluke nemaju utvrđena Rješenja o privremenom korištenju javne površine, a istu namjeravaju koristiti, dužni su blagovremeno podnijeti zahtjev nadležnoj Službi Općine Ilijaš, a nadležna Služba se obavezuje da donese Rješenje shodno Zakonu o privremenom korištenju javnih površina na području Kantona Sarajevo ("Službene novine Kantona Sarajevo", broj 20/04, 26/12, 33/12 i 24/15) i Odluci o privremenom korištenju javnih površina na području Općine Ilijaš ("Službene novine Kantona Sarajevo", broj 24/19), s tim da je nadležna Služba dužna podnosiocu zahtjeva osloboditi plaćanja naknade, shodno članu 1. i 2. ove Odluke.

Član 4.

Obavezuju se nadležna Služba Općine Ilijaš da donese pojedinačne Zaključake o privremenoj obustavi obračuna i plaćanja naknade za privremeno korištenje javne površine na području Općine Ilijaš, počev od 01.04.2020. godine pa do proteka 3 mjeseca od prestanka proglašenja stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo, i iste dostave korisnicima i Službi za privredu i finansije Općine Ilijaš.

Član 5.

Odredbе ove Odluke ne odnose se na fizička i pravna lica koja imaju dugovanja prema Općini Ilijaš po osnovu neizmirenih obaveza iz prethodnog perioda na ime naknada za korištenje javne površine.